

MALA SIRENA

(transformacija bajke)

Nekada davno, na dnu plavog mora, okružen morskim zvijezdama, školjkama i koralima, živio je naš drug Sunder Bob. Pogledajte ga – zrači srećom. Ta sreća potiče otuda što nikad nije bio usamljen. Imao je vjernog druga. Ovo je njegov drug - rak Sebastijan. Prava je čast imati njega za prijatelja.

Voljeli su se i bili srećni sve dok se među plavetne dubine nije doselila Mala sirena. Nasmijana, raspjevana, zanosna, nesebična... Da, to je ona. Nije došla sama. Sa njom su se doselile njene tri sestre. Predstavimo ih redom: Lili, Vili, Žili. Sve su tri dobre, umiljate i lijepe, ali nijedna nije bila kao Mala sirena. Ona je imala najzanosniji glas i najtoplije srce. Pogledaje samo... Dok ona pjeva vlada tišina u cijelom morskom carstvu. Ali, šta je to... Obratite pažnju na namrgođeni pogled Sunder Boba. Njemu nešta nije pravo. Šta mislite, zbog čega je ljut? Pa da, pogađate – bio je ljubomoran jer je naslutio da će rak Sebastijan postati i Sirenin prijatelj. Ta ljubomora ga je toliko mučila, da je na odlučio da uradi nešto strašno. Sklopio je savez sa zlom vješticom. Vidite kako se nešto dogovaraju. Oni kuju plan kako da maloj Sireni napakoste. Da vidimo šta su smislili.

Prvo su pažljivo pratili malu Sirenu. Vidjeli su da ona svaki dan isplivava na obalu mora i razgovara sa prelijepim princom. Štaviše, i rak Sebastijan je često bio sa njima. Ugovarao je tajne sastanke princa i Sirene i pomagao im da čuvaju svoju tajnu. Ljubav između sirene i čovjeka!!! O, to će vještica i Sunder Bob vješto iskoristiti. Pogledajte taj zlobni osmijeh; on jasno govori da su već odlučili kako da unište sve čari male Sirene. Jednog dana, dok je princ bezbrižno šetao moraskom obalom očekujući sastanak sa svojom dragom Sirenom, vještica ga je uhvatila i odvela u svoje odaje. Kada je Sirena stigla na ugovoreni sastanak, na obali je našla samo zlu vješticu. Pitala je da li je vidjela princa, a ona je rekla da je princ sada njen rob. Sunder Bob se odmah tu stvorio i ponudio „pomoć“ sireni. Obećao je da će nagovoriti vješticu da oslobodi njenog dragog. Sunder Bob ide na pregovore sa vješticom. Rak Sebastijan je zbunjen. Taj začuđeni pogled govori da mu tu nešto djeluje sumnjivo. Sunder Bob se vraća i kaže da će vještica osloboditi princa u zamjenu za sirenin glas. Sirena pristaje. Daće svoj glas u zamjenu za slobodu svog

princa. I taman kad se Sunđer Bob spremao da zauvijek uništi čari male Sirene, Rak Sebastijan se pojavljuje. On shvata da je u pitanju zamka. Primjećujete li - ljut je na svog druga Sunđer Boba. Njihovo prijateljstvo je u pitanju. Sunđer Bob shvata da zbog svoje ljubomore može izgubiti jedinog prijatelja koga ima. On se kaje. Zar se i vama ne čini da je Sunđer Bob shvatio grešku? Želeći da se iskupi, Sunđer Bob ne samo da oslobađa princa, već od vještice traži dodatnu uslugu. Zamolio je da princu daruje peraja da bi i on mogao nesmetano da pliva po nepreglednim dubinama mora.

Pogledajte ih... Sada su svi skupa: zvjezdice, školjke, koral, Sirena, njene sestre, Sunđer Bob, Rak Sebastijan... Cijala mala družina. Nema ljubomore, nema zavisti i podvala. Sunđer Bob je odjednom dobio ne jednog, nego na desetine morskih prijatelja. Sve ih grli srećan zbog saznanja da prijateljstvo ne smijemo sebično čuvati već ga ljubavljju širiti i umnožavati.

Autori teksta: **MARIJANA JAKOVLJEVIĆ I TARIK OSMANKADIĆ**